



Synfocity = 1010

mail us at : mzsynfo@gmail.com; mizoramsynod@gmail.com - Phone - 2314648

November 6, 2025

□ Board leh Committee peng hrang hrang an thu

◆ November 3, 2025 (Thawhtanni) chawhma dar 10:00 khan **Synod Trust Committee** wawi 50-na chu Synod Committee Room I-ah an thu a, meeting hi Rev. R.C. Lalngakliana, Synod Moderator-in a kaihrui a, Rev. V.L. Luaia Hranleh, Secretary-in report a pe. Report-ah hian Mizoram Christian College (MCC) sak mek a nih thu leh hna thawh tur pumpui atangin 45% vel zawh a nih tawh thu te, Synod Hospital Centenary Building sak mek chu a ruhrel zawh fel a nih tawh thu te, Synod Office Annexe Building Extension hna thawh mek a nih thu te, Lunglei Synod House sak that tur lungphum phum a nih thu te, Hmangaihna In zawm belh hna thawh zawh tawh a nih thu te, ATC Dining Hall Extension hna thawh mek a nih thu te, Synod Higher Secondary School Boys' Hostel sak a nih tur thu leh Gospel Centenary Khuangpui dahna sak that a nih tur thu te tarlan a ni.

Tun tum meeting-ah hian thurel tura chhawpchuah 30 a awm a, chung zingah chuan Synod Press Building chungchang te, Synod Conference Centre chei that chungchang te, Silchar Mission Compound chei that chungchang te, Synod Revival Camping Centre kawng leh tual Blacktop chungchang te leh 2026-2027 budget te chu a langsar zual te an ni.

◆ November 4, 2025 (Thawhlejni) chawhma dar 10:00 khan **Synod Social Front Committee** wawi 202-na chu J.M. Lloyd Hall, Synod Office-ah an thu a, meeting hi Rev. R.C. Lalngakliana, Synod Moderator-in a kaihrui a, Rev. Dr. K. Lallawmzuala, Secretary-in report a pe.

Report-ah hian Champhai Town Area chhunga Kohhran 32-ah Awareness Campaign neih a nih thu te, Mizo mipa thi rate sang mek tih ziaawm dan kawng zawna atana Bookmark leh Leaflet siam a nih thu te leh May 8, 2025 leh November 4, 2025 inkara Kohhran hrang hrang 30-ah Awareness Campaign neih a nih thu te tarlan a ni.

Tun tumah meeting-ah hian thurel tura chhawpchuah pasarih a awm a, chung zingah chuan Home hrang hrang nasa zawka tanpui chungchang te, Synod Rescue Home Quarters Type 2-a Toilet leh Bathroom dah belh chungchang te, Synod Rescue Home-a Staff Nurse rawih chungchang te leh 2026-2027 budget ruahmanna te chu a langsar zual te an ni.

◆ November 5, 2025 (Nilaini) chawhma dar 10:00 khan **Synod Worship Committee** wawi 15-na chu J.M. Lloyd Hall, Synod Office-ah an thu a, meeting hi Rev. R.C. Lalngakliana, Moderator-in a kaihrui a, Secretary Rev. Dr. Rosiamliana Tochwang-in report a pe.

Report-ah hian November 6, 2024 atanga November 5, 2025 inkar chhunga Bial leh Kohhran hrang hrang 47-a Worship Seminar leh training neih a nih thu te, August 18-21, 2025 chhunga Residential Choir Conductors' training neih a nih thu te, Kristian Hla Bu ennawn chungchang te, Pathian Biak inkhawm Hruaina Bu en that mek a nih thu te, Mizo Kristian Lengkhawm Hla Audio-a dah tura ruahman chu a thawh khatna zawh a nih tawh thu te leh Naupang Hla Bu ennawn mek a nih thu te tarlan a ni.

un tumah hian thurel tura chhawpchuah pasarih a awm a, chung zingah chuan kum 2029 Nilai leh Beihruai Thupui, Thupui ziaktu leh Lesson Plan siamtu chungchang te, Nilai leh Beihruai Thupui Ziah Kaihruaina chungchang te, Kristian Hla thar Bu ennawn rawtna te, Synod Worship inkaihruaina en that chungchang te leh 2026-2027 budget te chu a langsar te zual an ni.

□ Social Front

◆ November 8-9, 2025 chhung hian Saitual Bethel Kohhranah Social Media, Zu leh Ruihhlo Awareness/Campaign nei turin Pu F. Vanlalrochana, campaigner a kal ang.

◆ November 9, 2025 (Pathianni) chawhnu leh zan hian Ramhlun East Kohhranah Moral Reforms, Zuk leh Hmuam, Zu leh Ruihhlo, Family Planning & Pianpun Awareness/Campaign nei turin Campaigner-te, Rev. H. Lalbiakhluna leh Upa H. Lalhmingmawia te an kal ang.

□ MSSU

November 8, 2025 (Inrinni) hian Zawlnuam Kohhranah Sunday School Zirtirtu training neihpui turin trainer-te, Upa Hrilhlansanga leh Upa Lalsiammawia Pachuau te an kal ang.

☐ **Refresher Training**

Synod Mission Board hnuai Missionary Health Care Worker (Missionary Nurse) te tan thla khat aw h tur Refresher Training chu November 3-28, 2025 chung hian Synod Conference Centre-ah neih mek a ni a, training tur hian Nurse 20 koh an ni a, an kal kim thei a ni.

Training chung hian thupui chi hrang hrang - Health Care Awareness, HIV/AIDS chungchang, Accountancy, Mental Health, Disaster, Dental, Immunization, Autism chungchang leh rawngbawl na tur atana thil pawimawh hrang hrang an zir ang. Training hi thla khat aw h tura ruahman a ni a, ni 3-14 chungin theory class an nei ang a, ni 17-26 chungin practical class - Synod Hospital, Durtlangah an nei ang a, ni 27-ah Baktawngah Free Clinic neiin an kal ang.

Synod Mission Board hnuai hian Missionary Nurse 130 chuang awmin Refresher training tur hian a tah tawlin koh thin an ni a, kum 2003 atangin refresher training hi buatsaih a ni a, kum khatah tum hnih training hi neih a ni.

☐ **Mizoram Christian College (MCC)**

November 4, 2025 (Thawhle hni) khan Research & Development Cell leh IQAC, MCC te buatsaihin 'One Day Workshop on Practical Application of A.I in Teaching & Research' chu Conference Hall, Lianchhiar Run, DIPR Aizawl-ah hman a ni.

He hunah hian Resource Person pahnih - Pu Lalengzuala (Informatics Officer, DICT, Govt. of Mizoram) leh Dr. C. Zoremsanga (Scientist D, NIELIT Aizawl) ten hun an hmang. Workshop-ah hian college hrang hrang leh MZU atangin faculty 30 leh Ph.D Research Scholar 45, an vaiin mi 75 an tel thei a ni.

☐ **KTP**

November 4, 2025 (Thawhle hni) zan khan YRC Convention Centre Hall, Falkland-ah KTP General Conference 2026 Hla Bu tlangzarh leh Ruihhlo Do Video Clip Result puanna neih a ni. Tlangzarh inkhawm hi Pu F. Lalremruata, Chairman, Hla Bu & Zai hruai Sub-Committee-in a kaihruai a, Pu Vanlalremliana, Secretary, Hla Bu & Zai hruai Sub-Committee-in report a pe a, KTP General Conference 2026 Hla Bu hi Central KTP Leader, Rev. H. Lalawmpuia'n Pathian ropuina turin a tlangzarh a ni. Hemi hunah hian Mizoram Synod Choir te an zai bawk.

Conference Hla Buah hian hla 52 (Solfa 46, Lengkhawm 4, Chorus 2) a awm. Hla Bu man hi a pangngai ₹ 60, Spiral binding ₹ 80 leh A4 Size ₹ 150 a ni. KTP General Conference hi nakkum 2026, February 26 - March 1 chung a neih tur a ni a, conference thupui tur chu 'Lalpa tana mi hlang' (Sam 119:1-3) a ni a, Speaker tur chu Rev. P.C. Lalropuia a ni. Conference Hla Bu rual hian KTP Inkaihhraina 2025 pawh hralh chhuah nghal a ni.

Conference Hla Bu tlangzarh rual hian Ruihhlo Do puala video clip insiamsiak result puan leh lawmman semna hun hman nghal a ni a, hetiang hi result a ni.

Pakhatna:

Champhai Vengsang Branch

Pahnihna:

Lunglei Bazar Veng Branch

Pathumna:

Armed Veng North Branch

Consolation Prize:

1. Bawngkawn Shalom Branch
2. Dinthar Branch
3. Vairengte Branch
4. Kulikawn Vengthlang Branch
5. Lunglei Ramthar Branch

Video Clip hi a vaiin 128 a lut a, Aizawl khawchhung 78, Aizawl pawn 48 leh Mizoram pawn atangin 2 te an ni.

☐ **Finance**

◆ November 8, 2025 (Inrinni) hian Armed Veng Bialah Accounts Training neihpui turin trainer-te, Pu Zaihmingthanga Fanai, Upa Vanlalrawna Khiangte leh Upa Kailianmanga te an kal ang.

◆ November 8-9, 2025 chung hian Darlung Bialah Finance Campaign nei turin campaigner-te, Upa David Lalnunfela, Upa PL Chhuanthanga, Upa Ramtharlina leh Upa C. Ramtharngaha te an kal ang.

☐ **Kohhran Hmeichhia**

November 8-9, 2025 chhung hian Leadership Training leh Kristian Chhungkaw Campaign nei turin hruaitute hetiang hian an chhuak ang:

Khawlailung Bial : Pi Vanlalthlamuani
 Pi K. Lalrinpuii
 Pi Zohmangaihi
 Pi Vanlalchhuangi

Chhiahtlang Bial : Pi Lalramthangi
 Pi Hranghmingthangi
 Pi C. Rosangpuii
 Pi C. Lalnunpari

Bilkhawthlir Bial : Pi Lalmalsawmi Sailo
 Pi Lalrizapi
 Pi K. Remmawii

☐ **Presbyterian Pastor Pension Fellowship (PPPF)**

November 6, 2025 (Ningani) hian Chaltlang Presbyterian Kohhran Hall-ah Presbyterian Pastor Pension Fellowship (PPPF) ten intawh khawm programme an hmang.

Intawhkhawm hi hun hniha hman a ni a, hun khatna hi Rev. C. Rosiama, PPPF Chairman-in a kaihruai a. Rev. C. Kaphuliana, PPPF member-in hunserh a hmang a, Rev. Lalruatthanga, PPPF member-in Album 2025 a tlangzarh a, chawhma hunah hian 'Kohhran, Social Media leh Technology' tih thupui Rev. Dr. C. Lalhlira, PPPF member ziah chu zir ho a ni. Hemi hunah hian Female voice, Nunna Lal Faktute, Zarkawt Kohhran an zai bawk.

Hun hnihna hi Rev. Dr. Zaihmingthanga, PPPF Vice Chairman-in a kaihruai a, thupui sawi ho zuinaa hun hman a ni a, hun tawpah Rev. Dr. R. Lalbiakmawia, PPPF Asst. Secretary-in lawmthu a sawi a ni.

Presbyterian Pastor Pension Fellowship-ah hian Pastor pension apiang an tel zel a. Kum tinin intawh khawm hi an nei thin a, infuih tharna leh inpawh tlanna hun hlimawm tak an hmang thin a ni. Tun dinhmunah PPPF-ah hian member 138 an awm mek a, 2025 chhung hian an member pasarihin chatuan ram an pan a ni.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Zokhawthiang	Damlo leh khawsak harsa	4	₹ 40,000/-
2.	Sihphir	Damlo leh khawsak harsa	2	₹ 20,000/-
3.	Zemabawk South	Damlo	1	₹ 10,000/-
			Belh khawm	₹ 70,000/-

October thla chhunga harsatna hrang hrang tawkte hnena Synod Relief Fund atanga chhawmdawlina sem zat chu ₹ 5,45,000/- a ni.

☐ **Hruaina Eng TV Programme**

- 06.11.2025 (Ningani)** 08:30 pm : Thupui zir bing
- 07.11.2025 (Zirtawpni)** 05:00 pm : Kristian Naupang Pual
- 08.11.2025 (Inrinni)** 05:30 pm : Puitling Sunday School Zirlai
- 09.11.2025 (Pathianni)** 07:00 am : Sermon - Upa Lalhmachhuana
 08:00 am : Weekly round up
- 11.11.2025 (Thawhlejni)** 06:00 pm : Nilaini zan thupui
 08:30 pm : Kohhran Chanchin - Aizawl Venglai Kohhran

☐ **FM Zoawi - Aizawl & Lunglei : Hruaina Eng Radio Programme**

November 7, 2025 (Zirtawpni) @ 7:30 p.m. :

- Solo** : Elijah Lalrinmawia - I ta ka ni
- Zaipawl** : Bawngkawn Bial Zaipawl - Ka zalen ta
- Thusawi** : Rev. Dr. C. Lalhlira - Pathian ngaih a tha
- Solo** : Felina Laremruati - Chatuan lungpui
- Zaipawl** : Chanmari Bial Zaipawl - Kan zam lawng

□ **Moderator leh Executive Secretary-te Programme :**

Rev. R.C. Lalngakliana, Moderator Prog:

Nov. 7-9, 2025 India ram khawpui lian KṚP Meet, Delhi
Nov. 15, 2025 Serchhip Chhimveng Biak In hawn
Nov. 16, 2025 Vaphai Bial

Rev. V.L Luaia Hranleh, Senior Executive Secretary Prog:

Nov. 9, 2025 (Zan) Sihphir Venghlun Kohhran
Nov. 16, 2025 (Zan) Lawipu Kohhran

Rev. Dr. K. Lallawmzuala, Executive Secretary Prog:

Nov. 6-7, 2025 SMTC zirlai interview
Nov. 8-9, 2025 FG&CC Seminar, Kolasib
Nov. 14, 2025 FG&CC Programme

Rev. Dr. Rosiamliana Tochwawng, Executive Secretary Prog:

Nov. 7, 2025 New Eden Biak In hawn
Nov. 8-9, 2025 India ram khawpui lian KṚP Meet, Delhi
Nov. 15-16, 2025 East Phaileng Bial Pavalai Pawl Intawhkhawm

November 11-13, 2025 chungga Synod Executive Committee (SEC) leh ni 14, 2025-a Synod Officers' Meeting (OM)-ah te Moderator leh Executive Secretary-te an ṭhu ang.

RAWNGBAWL HNA DIL THEIH

Synod Revival Committee chuan kum 2026 - 2028 (kum hnih) chhung thawk tur Synod Revival Speaker mi 60 a la leh dawn a. Dil duh te tana hriat tur :

Form lak chhuah ṭan ni : October 6, 2025
Form thehluh hun tawp : November 21, 2025
Interview hun : December 3, 2025
Dil thei chin : Mizoram Presbyterian Kohhran mi, kum 30 leh 60 inkar
Form lak chhuah & thehluhna hmun : Revival Department, Synod Office
Beisei dangte : 1. Tualchhung Kohhrana thuhrlitu emaw, kohhranin thuhmila a rawih ṭhin
2. Zuk leh hmuam a filhim
3. Presbyterian Bible School-a zir chhuak
4. Kohhran inkhawm ngai pawimawh leh Revival rawngbawlinaa lo tel tawh ṭhin

Sd/-

Rev. V.L. Luaia Hranleh
Senior Executive Secretary
i/c Revival, etc.

